

UKA 2015/154-01

13.10.2015

Nunat Avannarliit Killit Siunnersuisoqatigiiffiata Savalimmiuni, Kalaallit Nunaanni Islandimilu naalakkersuisunut kaammattuutigaa Nunat Avannarliit killiit aalisarnerup iluani naalakkersuinikkut suleqatigiinneq nukittorsaqqullugu Nunat avannarliit killiit aalisagaqarfissuunerata iluaqtissartaata atorluarneratigut. Aalisarnerup iluani suleqatigiinnerup qanoq iliurluni annertusarneqarsinnaanera qulaajaqqullugu nunani taakkunani pingasuni naalakkersuisunut inassutigineqarpoq misissuinerullu inernerinik ataatsimut Nunat Avannarliit Killiit Siunnersuisoqatigiiffiannut nassuiaateqarlutik. Sammisani ukunani qulequttat qulaajaavigineqarsinnaasut:

- Susassaqarfinni aalisarnermut tunngassuteqartumi maannakkut suleqatigiinneq pillugu nalunaarsuiffik,
- Aalisarnermi isumalluutit aquneqarneranni suleqatigiinnissamut periarfissat,
- Nunarsuarmi immikkoortoq namminerisamik ataatsimoorussamik nittarsaassutitaassaaq aalisakkanillu tunisassianik tuniniaavittaarluni,
- Immami ilisimatusaatitut misissuinermi suleqatigiinnissamut periarfissat,
- Avatangiisinik attanneqarsinnaasumillu atuinermut takutitsisumik nalunaarsuineq,
- EU-mut niuerfinnilu allani tuniniaavinnut iserniarnermut annertunerusumik suleqatigiilernerup iluaqtissartai ajoqtissartaalu,
- Susassaqarfimmi aalisarnermut tunngasumi naalakkersuinikkut ataatsimoorussinissamut ataatsimoorussamillu isumaqatigiissusiornissamut periarfissat,
- Nunat taakku pingasut aalisarnermi ataatsimut ingerlatsinermikkut nakooqtigisinnaasaannik takutitsisumik nalunaarsuineq.

(Aallartitat siulittaasuat Lars-Emil Johansen).

Nunat Avannarliit Killit Siunnersuisoqatigiiffiata Kalaallit Nunaanni Savalimmiuni, Islandimilu naalakkersuisunut kaammattuutaa, Nunani Avannarlerni killerni aalisarnerup iluani naalakkersuinikkut suleqatigiinnerup nukittorsarneqarnissaa. Tassa nunani taakkunani aalisagaqarfissuit iluaqtissartaasa qanoq atorluarneqarsinnaanerat il.il. pillugit qulaajaasoqarnissaanik siunnersuut Partii Naleqqamiit imannak oqaaseqarfigissuarput.

Soorlu nunat Avannarliit Killiit pillugit allaaserisami ilanngunneqartumi erseqqissarneqartoq; Kalaallit Nunaata avammut tunisassiaasa tamarmiusut 92,5 procentii aalisakkanit aalisarnermillu pisuusut. Savalimmiuni 91,3 procentiulluni Islandimilu 44,6 procentiulluni.

Tassuuna takuneqarsinnaavoq aalisarnek nunatsinnut qanoq pingaaruteqartigisoq aammalu nunatta eqqaani imartarujussuit tamakkiisumik atorneqanngitsut suli annertunerungaartumik iluaqutigisinnaasaraluagut.

Taamaammat aalisarnerup suli annertunerungaartumik aningaasarsiornikkut iluaqutiginnisaanut, pingaartumik aamma Savalimmiut Island-illu qanoq iluaqutigineqarsinnaanerit eqqarsaatigalugu uani Nunat Avannarliit Killiit siunnersuutaanni qulaajagassat assigiinngitsut misissuiffigineqarnissaat Partii Naleqqamiit soqutiginarippavut, tassami Partiit tamatta pinngitsoqarata aalisakkat avammut niuerutigineranni annertunerusumik aningaasarsiutigineqarsinnaanerit soqutingaarput.

Aamma ukiuni kingullerni silap pissusaata allanngoriartornera ilutigalugu aalisakkat ikerinnarsiortunik taaneqartartut nunatta imartaanut takkuttalernerisa iluaqutigilluarneqarnissaat pingaaruteqaleriartussasoq ilimagineqarsinnaammat Islandimik Savalimmiunillu suleqateqarnikkut misilittakkat ilisimatuussutsikkullu misissuisarnerni paasisat atorluarneqarnerunissaat anguniarlugu Nunat Avannarliit Killiit Naalakkersuisunut kaammattuutaat Partii Naleqqamiit taperserparput.

Kisianni aamma taama oqareerluta pingaartillugu oqaatigissuarput suleqatigiinnerup unneqqarissumik ataqeqatigiilluni ingerlanneqarnissaa Partii Naleqqamiit assut pingaartikkatsigu, tassami aalisarnek eqqarsaatigalugu nunani avannarlerni killerni aamma aalisagartassat naligiinnerusumik aalisarnekartarnissaat tamatsinnut pingaaruteqartorujussuummat, tassami assersuutigalugu Islandip imartaani saarulliit aalisarnekarsinnaasut nunatsinni aalisartut pisisinnaasaasa quleriaataat pallillugit pisisarnekarsinnaasarput, uffalu nunatta imartarujussua Islandip imartaanut naleqqiullugu anginerujussuungaluartoq.

Pissutsit taamaattut unneqqarissumik suleqatigiissagaanni aamma qulaajartariaqartut Partii Naleqqamiit isumaqarpugut.

Taama naatsumik oqaaseqarluta Partii Naleqqamiit siunnersuut isummersorfigaarput.

